

Na osnovu člana 64. stav (3) Zakona o unutrašnjim poslovima Unsko-sanskog kantona („Službeni glasnik Unsko-sanskog kantona“, broj: 13/16, 16/17 i 8/24), člana 35. Poslovnika Skupštine Unsko-sanskog kantona („Službeni glasnik Unsko-sanskog kantona“, broj: 9/17 i 11/21) i člana 9. Uputstva o sadržaju i vršenju skupštinskog nadzora nad zakonitošću rada Ministarstva unutrašnjih poslova Unsko-sanskog kantona i Uprave policije Unsko-sanskog kantona („Službeni glasnik Unsko-sanskog kantona“, broj: 7/24), Komisija za borbu protiv korupcije, pitanja sigurnosti i nadzora zakonitosti rada na 21. sjednici održanoj 13.05.2024. godine, raspisuje:

JAVNI POZIV

ZA LISTU EKSPERATA SA KOJE SE IMENUJE *AD HOC* TIJELO KOD VRŠENJA SKUPŠTINSKOG NADZORA NAD ZAKONITOŠĆU RADA MINISTARSTVA UNUTRAŠNJIH POSLOVA USK I UPRAVE POLICIJE USK

I PREDMET JAVNOG POZIVA

Komisija za borbu protiv korupcije, pitanja sigurnosti i nadzora zakonitosti rada raspisuje javni poziv za listu eksperata sa koje će se vršiti imenovanje članova *ad hoc* tijela koje u skladu sa članom 64. Zakona o unutrašnjim poslovima Unsko-sanskog kantona („Službeni glasnik Unsko-sanskog kantona“, broj: 13/16, 16/17 i 8/24) i Uputstvom o sadržaju i vršenju skupštinskog nadzora nad zakonitošću rada Ministarstva unutrašnjih poslova Unsko-sanskog kantona i Uprave policije Unsko-sanskog kantona („Službeni glasnik Unsko-sanskog kantona“, broj: 7/24), provodi istražne radnje po nalogu Komisije za borbu protiv korupcije, pitanja sigurnosti i nadzora zakonitosti rada, a u okvirima skupštinskog nadzora nad zakonitošću rada Ministarstva unutrašnjih poslova Unsko-sanskog kantona i Uprave policije Unsko-sanskog kantona.

II OPĆI USLOVI

Kandidati moraju ispunjavati sljedeće opće uslove:

- a) Da su državljani BiH,
- b) Da nisu obuhvaćeni odredbama člana IX.I. Ustava BiH,
- c) Da nisu otpušteni iz državne službe kao rezultat disciplinske mjere na bilo kojem nivou vlasti u BiH u periodu od tri godine prije dana raspisivanja ovog javnog poziva,
- d) Da nisu osuđivani za krivično djelo niti za prekršaj nespojiv sa dužnošću u *ad hoc* tijelu,
- e) Da se protiv njih ne vodi krivični postupak,
- f) Da nisu lica kojima je presudom suda ili drugog nadležnog tijela zabranjeno obavljanje poslova iz nadležnosti organa uprave i upravnih organizacija, sudova ili advokatske djelatnosti.

III POSEBNI USLOVI

Kandidati moraju ispunjavati sljedeće posebne uslove:

- a) Da imaju univerzitetsku diplomu za najmanje VII stepen stručne spreme, odnosno visoko obrazovanje prvog, drugog ili trećeg ciklusa Bolonjskog sistema studiranja sa najmanje 240 ECTS bodova,
- b) Da imaju najmanje pet godina radnog iskustva nakon stjecanja visoke stručne spreme na poslovima iz oblasti policijskih struktura, državne službe, sudske vlasti ili advokature,
- c) Da dolaze iz reda policijskih službenika, državnih službenika, ili da su ih kao svoje predstavnike delegirali organi sudske vlasti s područja USK ili Regionalna advokatska komora Bihać.

IV POTREBNI DOKUMENTI

- a) Univerzitetska diploma ili uvjerenje o stečenoj visokoj stručnoj spremi,
- b) Potvrda/uvjerenje o traženom radnom iskustvu. Radno iskustvo podrazumijeva radno iskustvo stečeno nakon sticanja visoke stručne spreme i na poslovima visoke stručne spreme,
- c) Potvrda/Uvjerenje da je u vrijeme prijave na ovaj javni poziv kandidat zaposlen na poslovima policijskog službenika, državnog službenika, ili da je delegiran kao predstavnik sudske vlasti s područja USK ili Regionalne advokatska komore Bihać,
- d) Izjava da će u slučaju da bude imenovan u *ad hoc* tijelo u konkretnom slučaju, na zahtjev Komisije za borbu protiv korupcije, pitanja sigurnosti i nadzora zakonitosti rada dostaviti uvjerenje iz kaznene i prekršajne evidencije, kao i uvjerenje da se ne vodi krivični postupak,
- e) Izjava da nije otpuštan iz službe kao rezultat disciplinske mjere na bilo kojem nivou vlasti u Bosni i Hercegovini u roku od posljednje tri godine,
- f) Izjava da mu nije presudom suda ili drugog nadležnog tijela zabranjeno obavljanje poslova iz nadležnosti organa uprave i upravnih organizacija, sudova ili advokatske djelatnosti,
- g) Izjava da nije obuhvaćen odredbom člana IX.1. Ustava Bosne i Hercegovine.

Traženi dokumenti mogu biti original ili ovjerene kopije. Potpisane izjave se ovjeravaju kod nadležnog organa. Dokumenti se ne vraćaju.

V ROK I NAČIN PODNOŠENJA PRIJAVE

Javni poziv ostaje otvoren 15 dana od dana objavljivanja na službenoj internet stranici Vlade Unsko-sanskog kantona.

Prijava sa traženom dokumentacijom podnosi se isključivo u zatvorenoj koverti putem poštanske službe preporučeno sa naznakom: „Ne otvaraj – Prijava na Javni poziv za izbor kandidata na listu eksperata sa koje se imenuje *ad hoc* tijelo.

Prijava se dostavlja na adresu:

Skupština Unsko-sanskog kantona;
Komisija za borbu protiv korupcije, pitanja sigurnosti i nadzora zakonitosti rada

Ul. Alije Đerzeleza 2, 77 000 Bihać



Predsjedavajući Komisije
Jasmin Hušić